



Broj, 01-07-10-25-20/2025
Sarajevo, 4.2.2025. godine

Na osnovu člana 25. stav (1) i člana 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) kao i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Marele Jevtović,

od 31.1.2025. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup statističkim informacijama o broju sudija u osnovnim i okružnim sudovima u Republici Srpskoj te općinskim i kantonalnim sudovima u Federaciji Bosne i Hercegovine, diferencirano prema spolu.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 31.1.2025. godine zaprimilo zahtjev Marele Jevtović, (u daljem tekstu: podnositeljica zahtjeva) za pristup informacijama o ukupnom broju sudija u osnovnim i okružnim sudovima u Republici Srpskoj te općinskim i kantonalnim sudovima u Federaciji Bosne i Hercegovine, diferencirano prema spolu. Informacija je tražena u svrhu izrade analize zastupljenosti sudija prema polu u različitim nivoima sudova u Bosni i Hercegovini.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje informacije navedene u izreci rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu dokumentaciju, utvrđena je sljedeća spolna struktura sudija u Bosni i Hercegovini, prema nivoima traženim zahtjevom za pristup informacijama:

Nivo	Broj popunjenih pozicija	Spolna struktura	
		Muškarci	Žene
Osnovni sudovi	206	68	138
Općinski sudovi	428	161	267
Kantonalni sudovi	156	44	112
Okružni sudovi	77	29	48

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog. Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za imenovanje i napredovanje
3. U spis